

Broj: 07-02-1592-31/25/09
07-02-1593-26/26/09
01-07-1311-39/09
01-07-198-24/10

Mostar, 11.03.2010. godine

Na osnovu člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine (Službene novine Federacije BiH broj 13/04), člana 31. stava (2), člana 37. stava (5) i člana 53. stava (2) Poslovnika o radu Regulatorne komisije za električnu energiju u Federaciji Bosne i Hercegovine (Službene novine Federacije BiH broj 59/04), te člana 36. stava (6), člana 46. stava (3), člana 48. stava (1) i člana 49. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine (Službene novine Federacije BiH broj 37/05), te Odluke o provođenju četvrtog tarifnog postupka broj 01-07-1311-02/09 od 05.11.2009. godine, Odluke o provođenju trećeg tarifnog postupka broj 07-02-1592-07/25/09 i broj 07-02-1593-07/26/09 od 24.02.2010. godine i Odluke o planu aktivnosti na provođenju postupaka formalnih rasprava tokom trećeg i četvrtog tarifnog postupka broj 07-02-1592-08/25/09, broj 07-02-1593-08/26/09, broj 01-07-1311-16/09 i broj 01-07-198-03/10 od 24.02.2010. godine, rješavajući po Zahtjevu za sticanje statusa umješača koji je u FERK primljen 09.03.2010. godine pod brojem 07-02-1592-20/25/09, brojem 07-02-1593-17/26/09, brojem 01-07-1311-28/09 i brojem 01-07-198-14/10, podnosioca Vlade Županije zapadnohercegovačke, Federacija Bosne i Hercegovine, Bosna i Hercegovina, Regulatorna komisija za električnu energiju u Federaciji Bosne i Hercegovine – FERK je, na III redovnoj sjednici, održanoj u Mostaru dana 11.03.2010. godine, donijela slijedeći

ZAKLJUČAK

- I. Odobrava se Zahtjev Vlade Županije zapadnohercegovačke, Federacija Bosne i Hercegovine, Bosna i Hercegovina, za sticanje statusa umješača i to u postupku formalne rasprave po Zahtjevu za odobrenje tarifa za djelatnost proizvodnje električne energije koji je u FERK primljen 23.12.2009. godine pod brojem 07-02-1592/25/09, u postupku formalne rasprave po Zahtjevu za odobrenje tarifa za djelatnost distribucije električne energije koji je u FERK primljen 23.12.2009. godine pod brojem 07-02-1593/26/09, zatim u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima za nekvalifikovane (tarifne) kupce i o tarifnim stavovima za korisnike distributivnog sistema Javnog poduzeća „Elektroprivreda Hrvatske zajednice Herceg Bosne“ dioničko društvo Mostar.
- II. Umješaču iz tačke I. ovog zaključka dozvoljeno je učestvovati u postupku formalne rasprave, iznositi dokaze, primjedbe i argumente i pridržavati se postavljenih rokova. Voditelj postupka može ograničiti učestvovanje umješača, u slučajevima kada je to u cilju efikasnog vođenja rasprave. Umješač ima i druga prava i obaveze u skladu sa odredbama Poslovnika o radu FERK-a i Pravilnika o javnim raspravama i rješavanju zahtjeva i žalbi FERK-a.

Regulatorna komisija za električnu energiju u Federaciji Bosne i Hercegovine – FERK

Blažburških žrtava 33, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508

kontakt@ferk.ba www.ferk.ba

- III. Ovaj zaključak je konačan i stupa na snagu danom donošenja, te se objavljuje na oglasnoj tabli i web stranici FERK-a.

O b r a z l o ž e n j e

Član 53. stav (2) Poslovnika o radu FERK-a propisuje da FERK može dodijeliti status umješača licu koje dokaže direktan interes za tarifni postupak, koji je različit općem javnom interesu, te da je umješaču omogućeno učestvovati u postupku, svjedočiti i zahtjevati informacije putem člana FERK-a ili voditelja postupka formalne rasprave. U skladu sa članom 46. stavom (3) Pravilnika o javnim raspravama i rješavanju zahtjeva i žalbi FERK-a, kriterije za utvrđivanje prava i statusa umješača FERK određuje za svaki konkretan slučaj posebno, zavisno o okolnostima slučaja. Članom 48. stavom (1) istog Pravilnika propisano je da FERK o zahtjevu za priznanje statusa umješača odlučuje u roku od 15 dana od dana prijema zahtjeva u FERK. Članom 36. stavom (6) i članom 49. istog pravilnika propisan je način na koji umješač dostavlja svoje podneske i na koji je način ovlašten učestvovati u raspravi.

Odlukom FERK-a o planu aktivnosti na provođenju postupaka formalnih rasprava tokom trećeg i četvrtog tarifnog postupka broj 07-02-1592-08/25/09, broj 07-02-1593-08/26/09, broj 01-07-1311-16/09 i broj 01-07-198-03/10 od 24.02.2010. godine određeno je da status umješača u formalnoj raspravi može steći pravno ili fizičko lice pod uslovom da blagovremeno podnese zahtjev za sticanje statusa umješača i da ispunjava kriterije: da ima direktan interes u postupku radi odobrenja tarifa za djelatnost proizvodnje električne energije i/ili u postupku radi odobrenja tarifa za djelatnost distribucije električne energije i/ili u postupku radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca i/ili po prijedlogu tarifnih stavova u vezi s kojim podnosi zahtjev za sticanje statusa umješača, a koji je različit od općeg javnog interesa i da raspolaže podacima i činjenicama od važnosti za formalnu raspravu u trećem i/ili četvrtom tarifnom postupku koji se vodi pred FERK-om. FERK je putem Obavještenja za javnost o provođenju trećeg i četvrtog tarifnog postupka za JP „Elektroprivreda HZ HB“ d.d. Mostar i održavanju formalnih rasprava, objavljenom u Dnevnom listu i Oslobođenju dana 25.02.2010. godine, te objavljenom na oglasnoj tabli i na web stranici FERK-a, odredio da se zahtjev za sticanje statusa umješača podnosi FERK-u do 09.03.2010. godine do 12:00 sati.

Dana 09.03.2010. godine, Vlada Županije zapadnohercegovačke, Federacija Bosne i Hercegovine, Bosna i Hercegovina podnijela je Zahtjev za sticanje statusa umješača u postupcima formalnih rasprava, koji je u FERK primljen pod brojem 07-02-1592-20/25/09, brojem 07-02-1593-17/26/09, brojem 01-07-1311-28/09 i brojem 01-07-198-14/10, a kojim je podnosilac zatražio sticanje statusa umješača i to u postupku formalne rasprave po Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, u postupku formalne rasprave po Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, zatim u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima JP „Elektroprivrede HZ HB“ d.d. Mostar.

U zahtjevu za sticanje statusa umješača, podnosilac je naveo da ima direktan interes za učestvovanje u postupku iz razloga što traže da se cijena električne energije u oblasti privrede svede na realnu mjeru, a na osnovu činjenice da je cijena električne energije na svjetskom tržištu pojeftinila, te bi bilo logično i smanjenje cijena električne energije kako za privredu tako i za građane, odnosno domaćinstva da se ne bi dovelo do daljeg siromašenja građana i nelikvidnosti privrede. Podnosilac je naveo i to da je JP „Elektroprivreda HZ HB“ d.d. Mostar preduzeće koje je godinama u stabilnom poslovanju i uslijed svog monopolističkog položaja nije u opasnosti kao brojna druga preduzeća koja su na otvorenom tržištu, te da je mišljenja da unutrašnji resursi preduzeća daju mogućnost za restrikciju i štednju, te da se tu može napraviti značajna ušteda u njihovom radu i poslovanju. Podnosilac je naveo da je namjera istog i to da tokom rasprava dokaže nerealno visoke troškove proizvodnje, distribucije i snabdijevanja električnom energijom.

Rješavajući po Zahtjevu za sticanje statusa umješača podnosioca u postupku formalne rasprave po Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, u postupku formalne rasprave po Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima JP „Elektroprivrede HZ HB“ d.d. Mostar, utvrđeno je da obaveza podnosioca učestvovati u postizanju zaštite interesa privrede i građana svoga Kantona, a na koje interese u velikoj mjeri utiču cijene električne energije.

Budući da je podnosilac dokazao postojanje direktnog interesa za učestvovanje u postupku formalne rasprave po podnesenom Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, u postupku formalne rasprave po podnesenom Zahtjevu za odobrenje tarifa za djelatnost distribucije električne energije broj 07-02-1593/26/09 od 23.12.2009. godine, u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima za nekvalifikovane (tarifne) kupce i o tarifnim stavovima za korisnike distributivnog sistema JP „Elektroprivrede HZ HB“ d.d. Mostar, te da raspolaže podacima i činjenicama od važnosti za ove formalne rasprave, odlučeno je kao u dispozitivu ovog zaključka.

PREDSJEDNIK FERK-a
Zdenko Šimunović s.r.